

Des filandis al Città Fiera

**L'evoluzion socio-economiche
dal Friûl in epoche
contemporanie**

Projet didactic
inviât tes classis tiercis
de Scuele secundarie di 1ⁿ grât
di Cjiscjerne – Cosean
tal a.s. 2014-2015

Obietîf:

cognossi la storie ultime dal Friûl e
dai Furlans, par capî trop ch'al è
cambiât il nestri mût di vivi e cemût
ch'o sin rivâts dulà ch'o sin cumò.


Fabrichis e feroviis (1870-1914)

Cu la Seconde Rivoluzion Industriâl (1870-1914) si à un grant svilup economic tai grancj paîs europeans, in USA e in Gjapon.

Cheste e je l'epoche des grandis fabrichis, ma ancje des grandis feroviis, che a traviarsin dute Europe, l'Americhe e la Russie.

Par realizâ chestis oparis straordenariis, a partissin cetancj miârs di emigrants di Polonie, Irlanda, Spagne, Cine e Italie.


La galerie dal Arlberg, in Austrie.



L'emigrazion

Tancj emigrants furlans a àn lavorât tai cantîrs ferroviaris in Europe centrâl e in Russie, dulà che a àn lavorât ancje lôr ae costruzion de Transiberiane, specie te zone dal lât Bajkal.

*Furlans te costruzion de
Transiberiane*



La situazion in Friûl

In efietis il Friûl al jere une region une vore indaûr sot l'aspiet economic. Cuasi dute la int e viveve cul lavôr dai cjamps (ma e jere une agriculture di sussistence, che no rindeve avonde par dâur un avignî a lis fameis) o cul arlevament des bestiis o cul artesanât.

Fabrichis a 'nd jere par dabon pocjîs, cuasi dutis a Udin e a Pordenon. I unics stabiliments che si cjatave pardut, a jerin lis filandis, pe produzion de sede.

La filande di Dignan



La situazion demografiche

La int e viveve massime tes vilis di campagne o tes valadis di mont, che a jerin tant plui popoladis che in di di vuê.

Citâts veris no 'nd jere: Udin e Pordenon a jerin inmò pigulis.

Censiments a confront

Lûc	1871	2011
Udin	30.000	100.000
Pordenon	10.000	50.000
Tramonts di Sot	2.000	500
Cosean	2.000	2.000

L'agricolture in epoche fassiste (1922-1943)

Intai passe vincj agns di ditature fassiste, si à vût la mecanizazion de agriculture (i tratôrs a àn cjapât un pôc a la volte il puest dai bûs) e a son stâts fâts grancj lavôrs di bonifiche te Basse furlane, tant che in altri bandis d'Italie.

Contadins furlans e venits a lerin a lavorâ ancje in Lazio, dulà che inmò vuê a restin i lôr nevôts.


Bonifiche dal Agro Pontino



La Snia Viscosa

Intant che l'industrie de sede e va a ramengo (e lis filandis a sierin une daûr chê altre), tai agns Trente al ven implantât a Torre di Zuino il grant complès chimic de Snia Viscosa, che e prodûs fibrîs sintetichis pe industrie tessil. Fin il paîs al cambie di non e al devente Torviscosa.

Il duce in visite al stabiliment Snia Viscosa



Lis dighis e i grancj lâts artificiâi (agns '50)

Tai agns '50, par furnî di energjie eletriche lis fabrichis di Mestre e dal Venit, a vegin fatis sù in Friûl grandis dighis, specie te montagne pordenonese. A nassin in cheste epoche i lâts di Barcis, di Redone, di Ca' Selva, di Ca' Ciul e di Sauris.

Il lât di Redone, in Val Tramontine



La tragjedie dal Vajont (1963)

Un'altre grande dighe e ven fate sù
sul Vajont, dongje il confin tra il
Friûl e il Venit. L'opare e je sane,
ma il puest al è sbaliât. L'aghe dal
lât e filtre sot de mont Toc, e sfalde
il cret e e fâs slacâ une grande
livine. L'onde e causione doimil
muarts.

La dighe dal Vajont



Il boom economic (agns '60)

Il svilup industriâl in Friûl al scomence tai agns Sessante, tirât massime de Zanussi, la fabriche di eletrodomestics di Pordenon dulà ch'a lavorin miârs di operârs. Cumò l'emigrazion no je plui une siele obligade: si cjate di lavorâ ancje chi di nô.

La Zanussi



Tempi moderni. Un altri mût di vivi

Cul svilup industriâl e cui bêçs in buste paie, a jentrin in cjase il frigoriferi, la television, il telefoni, la lavatrice, la machine e fin l'aghe di rubinet cul water e la vasche par fâ il bagn.

Pe prime volte la int e à ancje timp libar par fâ sport e lâ in ferii (a Lignan).

Machinis e bicicletis di corse intun paîs de Basse furlane



Vie la cjase vecje

Lis cjasis in clap, cul porton su la strade par fâ passâ il cjar, cul curtîl par dentri, cu lis scjalis di len, cu lis cjaminis al plan disore, cul condot tal ort... a no van plui ben pal gnûf mût di vivi. Lis cjasis vecjis a vegnin butadis jù (o sinò bandonadis, vueidis). Si fasin sù cjasis gnovis, cul zardin dulintor, cul garàs, cu la stanzie di bagn, cu lis scjalis par dentri e cul implant di riscjaldament. E i paîs si slargjin simpri di plui in periferie: dulà ch'a jerin cjamps, cumò si fasin cjasis.

Cjasis vecjis e gnovis in centri a Cjiscjerne



Il taremot (1976)

Il taremot di Mai e di Setembar dal 1976 al fâs doimil muarts e al fâs colâ une vore di cjasis. Si decît un gnûf model di ricostruzion: prime i lûcs di lavôr (fabrichis, stalis...), po lis cjasis e di ultin lis glesiis. Intan de ricostruzion, la int e ven ospitade in tende, po puartade tai albierts sul mâr e fin tai prefabricâts di len.

Dams dal taremot



Il Friûl al devente moderni (*modello Nordest*)

Cu la ricostruzion di implants di lavôr modernis, cul svilup di stradis e autostradis (A4, A23, A28) e par merit dal spirt di iniziative di tancj lavoradôrs, che a deventin piçui imprenditôrs, il Friûl (insieme cul Venet) tai agns Otante e Novante si cjate a deventâ une des regions plui svilupadis d'Italie.

Trafic te autostrade A23



Lavôr e imigrazion

La disponibilît di lavôr, tai agns Novante e Doimil, e tire miârs di imigrâts, ch'a rivin in Friûl par cirî un puest. A vegnin massime de Albanie, da l'Europe orientâl, da l'Afriche dal Nord e centrâl.

Int foreste a vore in fabriche



Bêçs e centris comerciâi

La grande disponibilitât di bêçs e jude a nassi un gnûf sisteme comerciâl: no plui lis boteghis di paîs, ma gnovis boteghis concentradis in lûcs apueste, là che si cjate di dut. Il Friûl si jemple di centris comerciâi: Martignà, Udin, Pordenon, Artigne, Basilian, Reane, Dael, Villesse... Fâ la spese al devente une maniere di passâ il timp!

Gnûf centri comerciâl a Udin



Note:

Chest lavôr al è stât fat dome par fins didactics.

Lis fotografiis a son stadis tiradis jù di internet e a van sogjetis a copyright.

Se il projet al zire fûr di scuele, si à di rindi cont dai proprietari.